

QVÆSTIO MEDICA

QVODLIBETARIIS DISPVTONIBVS MANE DISCVTIENDA,

IN SCHOLIS MEDICORVM, DIE IOVIS XVII. IANVARII.
M. CAROLO LE BRETON, Doctore Medico, Moderatore.

An febrî fluente aluo venæ sectio?

SANGVIS est apparatus utilis alendo corpori, non cessant venæ illum excoquere & augere, nisi cum plene ipso & nimium distentæ non dissilantur, tum amissa naturali temperie, onere graues & imbecillæ non modo illum non perficiunt, sed nec vindicant à putredine. Sic sanguis natium decus exurit, sic fit corpori inutilis & qui fuerat sanitatis parens tandem fit causa morbi. Nec dum tamen morbus emicat nisi cum venarum intemperies similem inuissit visceribus, cuius vi prauorum succorum colluuiis succrescens & ab infarctu conflagrans in venas immigrat: sic morbi per partes geniti toti repente prodeunt leues, acuti, mites, maligni, simplices & impliciti ex varia putrescentium excrementorum conditione, vt ab eorumdem diuerso motu alia statim initio morbi apparent symptomata & alia etiam grauiora in progressu subnascuntur. In hunc morbi vel cuiusque humoris motum acriter animum intendat medicus, quam sit præceps vel lentus, vt pari modo & apto tempore deprimat remedia. In primis ne cunctetur præsentissima decernere in omnibus acutis neue putet vllum feligi posse venæ sectione promptius aut validius quo possit morbos istos simul & eorum symptomata velut vno ariete demoliri.

LEVIORES morbos natura sanat jejuniò & pepsimo. Interdum acutos profusa excretionē sanguinis per nates, vterum & anum, in his ad naturæ imitationem sua consilia dirigens ars medica sanguinem sectâ venâ haurire nescit quam metuit neque illam à proposito dimouent oborta symptomata quæ sagaci conjectura deprehendit ab eadem cum morbo causas prouenisse. quocumque modo sauiant illa, & ægrum fatigent modo non profus collapsis viribus properabit naturam onere oppressam & debilitatam subleuare misso sanguine. In cardiogmo & cholera morbo empiricus confugit ad confessiones theriacales & cardiacas incautum vel etiam maiore damno seu eas propinet seu tantum admoueat: tu statim atque accesseris ad ægrum si morbum agnoscis etsi pulsum exilem vix percipias fidens animi venam tunde, sic moribundo similem ad vitam reuocabis præter spem omnium. Id audere medicos longus artis vsus docuit, & prægnantes quoque plethora vel acuto morbo laborantes sectâ pluries venâ multo tutius quam amuletò ab abortu vindicare. Ipsa natura in omni sanguinis profluvio sponte ducto ferme medici opem efflagitat & sapissime in mensis mulierum, vt si parcius fluant magis prouocentur & vbi modum non seruant nec fluendi finem faciunt vt inhiñeantur sanguine in diuersum deducto. Itaque apage fucilem Arabum opinionem subinde nobis increpantium sanguinem frænum esse bilis quasi vero bilis non esset incendii stimulus, & sanguine educto, ipsa quoque non educeretur.

SANGVIS suauis & humido calore se fouet seque tuerit ab omni vitio immunem quandiu libera est transpiratio per spiracula toto corpore sparsa, sin vero calorem suum sinat ab alieno corripri & superari incipit putrescere. Calor omnis alienus in nobis tralatitius est ab excrementis quæ maioribus admissa venis & arteriis si fumo vel fuligine cor percillant producit febris morbus totius corporis plerumque acutus scilicet cum se putredini adijcit immodicus feruor vitionis vel ebullitionis. Is feruor nihil aliud est quam motus sanguinis assiduus vehemens celer à calore bilis excrementicia vel ichoris corrupti: illa ab æstuantē cysti genita, hic vero à liene fermentato secretus vbi alteruter vel vterque sese effundunt in venas feruorem illum addunt sanguini; tum naturale serum ebulliens facile se ab eo exoluit nec multo post sanguis ipse à reliquis humoribus congenitis seceratur, interdum ruptis fibris liquitur in saniem versus, vel à bile torrida exardescens dissipato sero adurit & æstuosus saturatur rubore splendet. Ab vtriusque cum putredo ad summum venit sunt malignæ febres, sine illo putredinis excessu arduentes dolore capitis & delirio stipatæ. Sed tenuis & aquosus sanguis vt plurimum febres parit quas infestant comata & fluxio omnis generis, quæ plurima venit cum biliola & serola venarum illuuiis orgasma effere feruntur nec iam se continent earum alueo. Tum enim laxatis humido impluvio venularum osculis torrentis in morem rupto obice prorumpunt & varias corporis partes inundant nempe habitum corporis vel caua viscerum at sapissime in hepar & intestina vnde frequens aduenit febribus alui profluuium.

HVIVS profluuij in febribus causæ sunt, critici quidem naturæ robur & excrementa quæ quanquam plurima sunt, mitia tamen & inflammationis expertia. Symptomati vero causa est vis morbi & feritas humoris qui naturam proritat ad excretionem. Est ne insuper innata corporis particulis facultas ab ipsis diuersa qua vicissim vna post aliam bilem & serum acres succos ne se lædant pro se quæque summa vi depellant? An potius innata bili mobilitas adaugetur crescente morbo, quo tempore plurima vndique succenditur fuligo. Sane Rheumatismi huius tam citato motu oberrantis hæc vna causa potior mihi visa est æstus & fermentatio sanguinis bile & sero confusi. Perspectum est omnibus, febribus & feri bilioli mutuum esse generationem, hoc indicio quod incrementum febris vel redeunte paroxysmo statim periodicis sapissime alius profluat serosis & biliosis. Quis dubitet tum temporis effluere bilem, & serum à sanguine secerari, despumare, eructari à venulis & tandem ex habitu corporis resuere ad hepar & venas mesaraicas qui foci sunt febrium præcipui in quibus assidue cunduntur & conduntur feruida illa excrementa fomites febrium pariter atque profluuiorum. Pro certo habeo nullum fieri nostrum in corpore humorum transfluxum seu transitum à parte in partem qui par sit fluxionis concitandæ quin prius exoriatur feruor in sanguine, sed vt nullus feruor sine febre micat nostrum in corpore ita nulla in ægris sine febre & feruore oritur insignis excretio neque ipsum alui profluuium, nam vel criticum præuertit critica perturbatio qui feruor quidam est. Hoc vero criticum profluuium soli naturæ commitrendum est, symptomaticum vero artis opem recipit.

FEBRICITANTEM si profluuium alui fatiget & debilitet eo maturius de illo sistendo cogitet medicus quo propius periculo. In id ars nulla est venæ sectione promptior aut tutior: hæc vtriusque scopo consulit vna & eadem opera febrem feruorem compescens simulque alui profluuium. Cum natura geminam vacationem recuset si fluant in aluum sanguis, serum, aut bilis, aperta cubiti vena momento reueller & quidem sine periculo refluxus qui imminet à remediis attingentibus. Sanguinem mittere nullus reuocet medicus in hæmorrhagiam profusa, immoderatis mensibus vel hæmorrhoidibus vel in dysenteria, cur in diarrhæa præsertim cum febre? quo in casu maior major instat necessitas sanguinem mittendi: Id agere nos vetant medicastri, hunc illis metum intulit textus Galeni male intellectus, quæ hallucinatio multa hominum millia pessumdedit. At saltem inspicerent naturæ solertiam & quanta virium suarum fiducia causarios vtriusque sexus à morbis quamplurimis & ab ipsa morte redimat profuso vberem sanguine per hæmorrhagiam, vteri effluua & dictas hæmorrhoidas toto vitæ decursu fluentes & per dysenteriam quod sæpius visum in mutis. Est crede mihi restibilis fecunditas progignendi sanguinis in humido partium solidarum & viscerum. Hic conditur opulenter tuenda vitæ penu non in venarum sanguine qui tantum futurus est nutritius, nec dum nutrit. Educam à venis fiamuri per albo glutino similem sanguinem esse putas, verius dicam ego chylum esse indigestum aut pallidam bilem recocto mixtam phlegmati, an hæc sint nutriendo? His rescis sustineant viscera? Imo effundi à venis antequam impuritate sua noceant. Id circò amant impura corpora iterato persæpe neoterismo recreari per epaphæresin quæ ratio est nouandi corporis tutissima cum vires non demoliantur sed instaurant conferente ad id succi melioris adiectione: sic vbi feblicitantes pleonexia serosa vel biliosa laborant nisi fiant alternis partita vacuatio & additio perseverabit febris & vna alui Rheumatismus.

Ergo febrî fluente aluo venæ sectio.

DOMINI DOCTORES DISPVTVRI.

M. Robertus Patin.
M. Michæl de la Vigne.
M. Petrus Perreau.

M. Ioannes Armandus de Mauuilaïn.
M. Bertinus Dieuxinouye.
M. Stephanus Bachot.

M. Antonius Charpentier.
M. Franciscus Pijart.
M. Franciscus Boujonnier.

Proponebat Lutetiæ PETRVS LEGIER Parisinus, A. R. S. H. M. DC. LXIV.